

სწავლების ცენტრის მიერ შემუშავებული

საოლქო და საუბნო საარჩევნო კომისიების წევრთა ტრენინგების კონცეფცია

2018 წლის 28 აპრილს №54 მაშორითარულ საარჩევნო ოლქში გასამართი

საქართველოს პარლამენტის შუალედური არჩევნებისთვის

1. ტრენინგები საოლქო საარჩევნო კომისიების წევრებისთვის

საოლქო საარჩევნო კომისიების წევრთათვის ტრენინგები განხორციელდება ორ ეტაპად:

I ეტაპი დაეთმობა საოლქო საარჩევნო კომისიის სრული შემადგენლობის (12 წევრი) სწავლებას. განხილულ იქნება შემდეგი ძირითადი სასწავლო მოდულები:

- საოლქო საარჩევნო კომისიის საქმიანობა წინასაარჩევნო პერიოდში;
- საუბნო საარჩევნო კომისიის პირველი სხდომა და ხელმძღვანელ პირთა არჩევის წესი (პირველი სხდომის ინსტრუქცია - ეპიზოდური ინსცენირება);
- საარჩევნო პროცესში მონაწილე პირთა რეგისტრაცია;
- საოლქო საარჩევნო კომისიაში კენჭისყრისა და არჩევნების შედეგების შეჯამება;
- საოლქო საარჩევნო კომისიაში განცხადებების/საჩივრების შეტანისა და განხილვის წესი.

განხორციელების პერიოდი - 24 მარტი, 2018 წელი.

II ეტაპი დაეთმობა საოლქო საარჩევნო კომისიის სრული შემადგენლობის (12 წევრი) სწავლებას. განხილულ იქნება საუბნო საარჩევნო კომისიის საქმიანობა კენჭისყრის დღეს:

- საარჩევნო უბნის გახსნა და კენჭისყრამდე ჩასატარებელი პროცედურები;
- კენჭისყრის პროცესი;
- საარჩევნო ადმინისტრაციის მიერ შშმ ამომრჩევლების ჩართულობის ხელშეწყობის პოლიტიკა;
- საარჩევნო უბნის დახურვა, კენჭისყრის შედეგების შეჯამება;
- საარჩევნო დოკუმენტაციის გადაცემა საოლქო საარჩევნო კომისიისთვის;
- არჩევნების უსაფრთხოება.

საუბნო საარჩევნო კომისიების წევრებისათვის განკუთვნილი სასწავლო პროგრამის ფარგლებში საოლქო საარჩევნო კომისიების წევრთა უშუალო ჩართულობით კენჭისყრის დღის ეპიზოდური ინსცენირების ჩატარების უზრუნველსაყოფად, სწავლების ცენტრი საოლქო საარჩევნო კომისიების წევრებს ასევე მიაწოდებს შესაბამის საინფორმაციო ხასიათის ინსტრუქტაჟს (ეპიზოდური ინსცენირება ითვალისწინებს კენჭისყრის დღის დილის 07:00 საათიდან - 08:00 საათამდე ჩასატარებელი პროცედურებისა და კენჭისყრის შედეგების შემჯამებელი ოქმის შედგენის პრაქტიკული სავარჯიშოს შესრულებას).

განხორციელების პერიოდი - 19 აპრილი, 2018 წელი.

2. ტრენინგები საუბნო საარჩევნო კომისიების წევრებისთვის

I ეტაპზე საოლქო საარჩევნო კომისიების წევრები, სწავლების ცენტრის მიერ მომზადებული სასწავლო ხასიათის ინსტრუქციის მიხედვით, საუბნო საარჩევნო კომისიების წევრებს გააცნობენ საუბნო საარჩევნო კომისიის პირველ სხდომაზე ხელმძღვანელი პირების არჩევის წესს და გადასცემენ შესაბამის საინფორმაციო მასალას.

განხორციელების პერიოდი - 25 - 28 მარტი, 2018 წელი.

II ეტაპი დაეთმობა საუბნო საარჩევნო კომისიის სრული შემადგენლობის (12 წევრი) სწავლებას. განხილულ იქნება შემდეგი ძირითადი სასწავლო მოდულები:

- საუბნო საარჩევნო კომისიის საქმიანობა კენჭისყრის დღემდე პერიოდში (ამომრჩეველთა ერთიანი სია, სპეციალური სია და გადასატანი საარჩევნო ყუთის სიის ფორმირების წესი);
- საუბნო საარჩევნო კომისიის საქმიანობა კენჭისყრის დღეს (საარჩევნო უბნის გახსნა და კენჭისყრამდე ჩასატარებელი პროცედურები, კენჭისყრის პროცესი, შშმ ამომრჩეველების ჩართულობის ხელშეწყობის პოლიტიკა, საარჩევნო უბნის დახურვა, კენჭისყრის შედეგების შეჯამება);
- კენჭისყრის დღის განცხადებები/საჩივრები;
- კონფლიქტების მართვა.

განხორციელების პერიოდი - 1 - 4 აპრილი, 2018 წელი.

III ეტაპი დაეთმობა საუბნო საარჩევნო კომისიის ხელმძღვანელი პირების (თავმჯდომარე, მოადგილე, მდივანი) სწავლებას. განხილულ იქნება შემდეგი სასწავლო მოდულები:

- საუბნო საარჩევნო კომისიის ხელმძღვანელი პირების უფლებამოსილებები (მათ შორის, საარჩევნო დოკუმენტაციასთან მუშაობა, შემაჯამებელი ოქმის შედგენის წესი);
- კენჭისყრის დღის განცხადებები/საჩივრები;
- არჩევნების უსაფრთხოება.

განხორციელების პერიოდი - 16 - 17 აპრილი, 2018 წელი.

დამატებითი ტრენინგები - საარჩევნო კანონმდებლობის შესაბამისად საუბნო საარჩევნო კომისიის წევრთა გამოწვევის ვადების ამოწურვის შემდგომ გათვალისწინებულია დამატებითი ტრენინგების ჩატარება საუბნო საარჩევნო კომისიების შეცვლილი (ახალი) წევრებისათვის. განხილულ იქნება შემდეგი ძირითადი სასწავლო მოდულები:

- საუბნო საარჩევნო კომისიის საქმიანობა კენჭისყრის დღეს (საარჩევნო უბნის გახსნა და კენჭისყრამდე ჩასატარებელი პროცედურები, კენჭისყრის პროცესი, შშმ ამომრჩეველების ჩართულობის ხელშეწყობის პოლიტიკა, საარჩევნო უბნის დახურვა, კენჭისყრის შედეგების შეჯამება);
- კენჭისყრის დღის განცხადებები/საჩივრები;
- კონფლიქტების მართვა.

განხორციელების პერიოდი - 18 აპრილი, 2018 წელი.

IV ეტაპი დაეთმობა კენჭისყრის დღის ეპიზოდურ ინსცენირებას. სწავლების ცენტრის მიერ მომზადებული სასწავლო ხასიათის ინსტრუქციის მიხედვით, საოლქო საარჩევნო კომისიების წევრები, საარჩევნო უბნების განთავსების ადგილებზე, საუბნო საარჩევნო კომისიების წევრებს ჩაუტარებენ ინსტრუქტაჟს, რომლის შემდეგ კომისიის წევრები პრაქტიკულად განახორციელებენ კენჭისყრის დღის ეპიზოდურ ინსცენირებას (ეპიზოდური ინსცენირება ითვალისწინებს კენჭისყრის დღის დილის 07:00 საათიდან - 08:00 საათამდე ჩასატარებელი პროცედურებისა და კენჭისყრის შედეგების შემაჯამებელი ოქმის შედგენის პრაქტიკული სავარჯიშოს შესრულებას).

განხორციელების პერიოდი - 20 - 24 აპრილი, 2018 წელი.

3. სასწავლო მასალა და მეთოდოლოგია

საარჩევნო ადმინისტრაციის წევრთა პროცედურული ცოდნის გადრმავეების მიზნით, ტრენინგებისთვის შემუშავებული სასწავლო მასალა მოიცავს: სახელმძღვანელო ინსტრუქციებს, პრაქტიკული სავარჯიშოების კრებულებს, ტექსტ-კითხვარებს, ელექტრონულ სასწავლო პროგრამებს და სასწავლო ფილმს „კენჭისყრის დღის პროცედურები“. ტრენინგზე გამოიყენება კომბინირებული მეთოდოლოგია (ვერბალური, პრაქტიკული, ინტერაქტიული და როლური).